

思伯子堂詩集

思伯子堂詩集卷二十九

建甯張際亮亭甫

西園

二月杪過邵武大埠岡江君行侃兄弟留寓西園三月屬爲詩五月在福州因作此寄之

時家素先翁同游也

辛丑

名園依翠嶂回首渺丹邱  
山色成人靜泉聲變地秋  
坐兼微雨久興與薄雲留  
空憶連牀話風塵又倦游  
羣幸多才俊吾宗自老成  
夢中猶作客海上未休兵  
倚石飛星動移燈宿鳥驚  
省尊看萬象一醉謝幽貞  
飛榭留春眺村光曉靄分  
菜花黃過屋松氣白成雲  
歲月懷陳迹川原見大文  
溪鷗想無競來去幾爲羣

何意藏雲磴樓臺卻俯看洞高天氣聚瀑靜日華寒境  
悟隨山轉才知冠古難不須圖雅集遙問竹平安

詩話樓

前三月萃夫受紹同登  
屬爲詩茲賦寄二君

詩墜三唐後風開十子先論高緣救弊樓曠與懷賢兵  
火曾寒食春流又遠天新來尋故宅誰悵菖溪煙

品石巖詩爲藍少笏同年作

二月過武夷屬爲  
詩五月福州寄

飛來一泉影散作滿庭秋巖倚三峯秀門當九曲流登  
臨引雲鶴談笑俯沙鷗何必懷莊惠居然濠濮游

石高氣滿天瀑布養空煙寒峽白沈日幽崖青過船一  
尊浩終古萬籟正蕭然憶昔虹橋燕曾元今幾年

山虛靜見松寂寂晚聞鐘風定有時雨月高無數峯支  
牀眠澗響捲幔坐秋容幽事竟誰覺漁樵夢未逢

叢桂留人處誰家此小山種花迷路轉煮茗惜春還  
興浮雲外兵氛絕海閒非耽游興劇身世羨松關

葉五卓人行看子

作抱膝  
踞石狀

匹馬曾從襄漢遊鹿門山對草廬秋可憐絕海傳烽日  
抱膝相看話武侯

身外直看萬事輕不須介石小幽貞春城三月花如雨  
拋卻銀箏聽曉鶯

廈門白鹿洞觀海

一氣遙連四大州誰橫鐵索截中流只如唐宋愁戎馬  
前代邊患多在西北至明中葉東南夷患始烈亦天地自然氣數也不數燕齊鬪火牛夷逆  
火器最利勇憶乘桴難泛宅醉思請劍尙登樓天風海日蒼  
茫裏試問扶桑幾度秋

兩島能支半壁天草雞長耳憶當年伍胥潮汐仍終古  
楊僕樓船自黯然雲出鯢身橫島外水浮鼉極動禱前  
登臨足有興亡感鯨飲須同吸百川

瘦雲於三月望日攜姬人觀海登白鹿洞繪圖屬

題

時君奉常事聘練鄉兵於此

江海論兵日英雄望古悲誰同謝太傅世屏傳脩期吾

子貧懷策羣公幸見知清笳吹洞壑駿馬踏春嘶暫佐  
籌邊幕應舉下瀨旗風潮通一笑山色在雙眉劍氣橫  
釵影花光照玉姿水天無盡處人月共圓時磊落追豪  
士憑陵肆島夷金門接烽火父老儻嗟咨君家在金門

葉氏園亭詩

齊亭明經新構池館甚清曠招同梅友小集並索詩漫賦三首

別來塵海逐浮漚小住依然不繫舟五嶺懸軍猶坐甲

三山爲客且登樓鶯花佳日憐餘景燕寢清香請從遊

齊亭尊甫小庚先生方守河南

分取嵩高雲物態故應幽事滿林邱

江左清華數謝王恰宜別墅對東牀

齊亭之婿在坐余友陳達夫駕部之

也子風前洞壑虛涵水天際雲山遠過墻漫訊榮枯松自

老園有大松一林不如高下石相忘烽煙未靖俱貧賤

謂梅友身世茫茫欲廢觴

兩客衰顏祝鬢顏黃壚重過感河山前年旬卿卒今年春西堂又卒矣

中年絲竹誰陶寫一第風塵幾往還是日聞新進士報

落第轉惜詩狂捐酒價齊亭欲為須招月影欵花關習者

池留取山公伴萬事何如半醉閒

書梅友扇子

中年相對髮蕭蕭友似秋林日漸凋海內風雲期衛霍

釣徒煙水夢漁樵難將舊俗詔黎獻頗愧微生負

聖朝須與兒孫躬荷鍤縱多來日且逍遙

蕙卿出視詩草兼屢有懷憶投贈之詞賦此奉酬  
卽以錄別

近別忽三年新詩積千首世無李太白高才竟誰偶我

慙賀四明解佩勸杯酒浩歌見甫參並轡驅文薮

謂芭川香

溪樵雲星治南霸王資英雄磨滅久江風送海月奇氣

落君手怒潮出紙背蛟龍互蟠紐登臺弔無諸富貴復

何有時來豎子奮年往佳人醜老大困塵垓中夜望南

斗腰懸白虹劒櫓槍黯可取嗟哉二禺頑難負海山走

蓬萊左股殊巨靈創其拇樵夫爛柯笑對客惟指口讀

君送別辭攀條涕霑柳往者師門知

謂恭甫師

鄭重期不朽



同時高

雨農

李

蘭屏

輩夜臺自前後黃壚感山公宣城愴紀

叟非君磊落懷吾衰敢求友人閒萬態卑嵩華遜崑嶠

豈暇計濯纓力挽河曲九區區文字好亦如金享滯會

偕武夷君醉捉曾孫尉一聞可哀曲莫問何雞狗

題梅妃圖爲余北溪

霖鈴閣道意淒然不及樓東一賦傳何必興衰關色戒

古來忘戰太平年

世有真卿縱未知終看李郭共驅馳梨魂梅影千何事

大樹彫零又一時

春風留取貌如花前度荒村怨日斜

余嘗再過梅妃故里

徒說曲

江先識在可憐唐室有悲筵

書蕙卿扇

近來海內爲長句蕙卿欲軼高青邱當其落筆有神助  
宛見嘯傲凌滄洲我年四十鬢欲禿對汝往往銷百憂  
明朝挂席向吳越相思惟見長江流

書某扇子

又到秋涼葉落時月殘風曉話歸遲江天水碧明如鏡  
半照眉痕半鬢絲

倦客愁經舊板橋晚風垂柳幾蕭蕭日斜喚渡無人迹  
艇子前頭是落潮

怕聽三絃與四絃絃欲語又嗚咽落霞亦是紅顏色  
容易銷沈去鳥邊

朝朝水閣對青山貪看浮雲那得閒閒到杯乾香燼處  
一鉤眉月寫雙彎

棋局摩挲恐不平溫涼玉子試人情更防一角留殘劫  
敲盡燈花好自明

司勳老去太荒唐但問平安意已傷辛苦爲他持懺悔  
玉環再世有韋郎

薌溪猶子又松以滋蒼同年畫石榴扇子屬書題

贈

南海明珠貢未聞房中百琲許誰分榴花紅抵烽煙色  
五月無人割陣雲

一代論才見步兵阿咸超絕儻齊名竹林實似琅玕長  
雖鳳飛來萬里情

老去張衡詠四愁奉揚難遇好風留元規塵滿君休問  
願與麾軍障石頭

爲劉十一筠川

永松

畫扇走筆題

羚羊峽口泝端州疊嶂層崖木葉秋千萬神鴉招不得  
月明飛夢闌江樓

傳聞

浙

草堂寂寞悵傳聞新邑誰開絕海濱百六妄思銅馬帝  
三千因駐水犀軍承平鵬壁忘烽火跋扈戈船抵陣雲  
乍報譙樓轟一角棄鄉父老已紛紜

輕敵徒矜戰鬪才孤城倉卒亦堪哀翁山士馬傷亡盡  
支海夷獠笑舞來地險將軍仍臥甲天高使相但銜杯  
可憐碧血沈淵後重見朱顏去不回

悲風擊水角聲高轉餉徵兵羽檄勞海上防秋紛大吏  
甬東殺賊賴名豪憤深原軫歸三帥狡極勾吳索百牢  
毀冢墮城何處問幸生兒女泣波濤

新移節度領江東獨有英姿颯爽風彈事已看關大計

策勳須與攬羣雄  
鞭尸快意投豺虎  
瘡口傷心集雁鴻  
終是

聖明齊日月  
詔書先後褫三公

傳聞

江東遜抗舊知名  
踵武提軍起士衡  
已報郭嘉專祭酒  
可能韓愈在行營  
百艘戰艦蒙牛革  
六郡良家戍雁城  
辛苦大農籌國計  
應看橫海早休兵

裘帶翩翩坐鎮風  
脩戈敵愾意何雄  
濡須築塢軍應北  
滬瀆屯兵盜敢東  
難借神門皆惡水  
好資戰社卽強弓  
關心猛虎饞蛟外  
周處無家劒術中

重山大海俯東南霸國雄圖鬱漳嵐往日盧循勞甲士  
幾年孝侃聚丁男灘穿黯淡蠶叢險地截安平虎視眈  
臺海府又稱安平獨有平生劉越石謂姚聞雞醉舞我  
鎮又稱紅毛城何堪

傳聞廣

西海揚帆指朔方通侯移節餌天狼犒師豈襲弦高智  
奉使先求陸賈裝翡翠雙栖迷閣邸珊瑚七尺壓車箱  
可憐一醉珠江月烽火朝來暗佛桑

番舶珠犀照夜昏傳呼使相對開尊兵戎玉帛交相見  
土地金繒事忍言欲棄北門傾寇準借籌西夏結張元

不知緹騎梅花嶺歸去春風可斷魂

羊城遙對虎門開天險仍資上將才豈意孤軍還撤援  
竟言狡敵自飛來孫恩未縛江關警韋俊無歸海水哀  
郿塢縱焚民怨在燃臍須傍粵王臺

詔發天兵下廣州羽林宿衛賜征裘五牙大可張龍艦  
六國何當踞馬頭趙郡夙開都護府長平首讓冠軍侯  
須知晚節勲名重南顧毋忘

聖主憂

魏絳和戎豈息兵君看唐漢最分明匈奴累歲窺秦塞  
回紇頻番逼渭城自古鬼方須撻伐卽今王土尙承平



思作子宣詩集卷二十一  
素馨落盡花田在  
蜃戶休悲戰鼓聲

近報妖氛扇海風  
訛言紛與羽書同  
佛郎機竟推無敵  
君子師難出有功  
百戰尙應思石馬  
一軍漫恐化沙蟲  
恭觀

周德知

天命定掃欃槍  
碧落空

班壹財雄共備邊  
習流介士況三千  
白衣南郡宜搖櫓  
赤壁東風待燒船  
諸道輓輸同出塞

九重討伐本恭天

詔書切責黎元慟  
笑倒鮫奴日數錢

有客當年歎積薪  
罪言誰省困風塵  
正逢關內征輪日  
永憶江東鎮靜人  
願請漢纒羈越主  
坐愁吳國用巫臣  
夜占太白重惆悵  
里巷傳聞或未真

故人

故人草疏直承明  
門客當時獨竊名  
危論自關天下計  
僉謀翻啓海西兵  
千秋難信真功罪  
五嶺堪悲半死生  
欲歎曹參饒智術  
蕭規隨守荷殊榮

黃樹齋  
侍郎

偃武何曾廢視師  
古來聖世半憂危  
度支此日煩諸吏  
戰伐經年厭遠夷  
蝴蝶化雲迷畫舫  
鷓鴣啼雨溼征旗  
珠歌翠舞銷沈地  
望斷樓船又一時

廣東諸  
縣令

陶侃當時鎮武昌幾曾清嘯據胡牀坐憂江漢心如日  
趣諭蠻夷鬢總霜歲月空勞持戰守身名何意歷滄桑  
四明且與蘇淵散回首烽煙涕淚長

林少穆  
尚書

帝閔明州事日艱遠移賢使出潼關三峰嶽色隨班馬  
八月濤頭過白鵬海上未平籌權稅寇中初脫雜痼瘵  
須同一灑憂時淚醺酒悲歌望百蠻

鹿春如  
觀察

芭川歸自京師有詩枉贈感事傷懷泣然酬和

白日東出月已西人生那能無別離廿年缺憾若晦朔  
不逢圓景揚秋輝憶昔辭君歲將暮北風吹折江頭樹  
十萬分償貰酒錢一千遠指還山路蕭蕭雲際幾征鴻

渺渺天涯又轉蓬  
紫蟹黃柑判痛醉  
青衫紅粉怨孤蓬  
到家桂苒迫除夕  
高堂況是頭新白  
困苦無聊忍去鄉  
夢魂有恨重爲客  
匡廬積雪照春天  
鄂渚奔流似往年  
不見夷門人執轡  
空思負郭或餘田  
可憐乍渡蘭陽渚  
白路中宵奪行旅  
三月三朝無定河  
一風一雨奈何許  
棘闥再黜笑人陳  
閉戶仍爲臥疾身  
豈意謗書翻四達  
自遭讒口亦前因  
此詩故人陳弼夫與賴子瑩亦有蘇  
庾堂吳子序出塵壺杯酒論才每憶君  
烽煙聞警紛征  
旆沃洲山外起悲笳  
鬪艦來輕白浪斜  
旁午軍書勞羽  
騎苦辛戰士雜蟲沙

國家清議竟何有但罪林黃謂戎首流涕難陳賈傳書  
飲醕祇對馮唐婦病中尺素故鄉來慟哭麻衣血淚摧  
萬死忍看慈母線九泉應戀望兒臺此時君方在閭里  
乍聞爲我悲難已不信流言眾所嗤更愁歸計誰堪倚

偷生苟活向人間八月登舟歲晚還同是冰霜歸破屋

再難朝夕侍懽顏斷腸未已責逋逼再走豫章因乞食

鮑叔猶能諒我貧葉崑臣伯鸞何處爲人役平生知己

最姚崇石甫欲涉鯨波航海東春半去家忘旅倦島間

悵望泣途窮買山無計遲營葬四方荆棘嗟何向留滯

徒成弔屈哀時五低徊難數依劉狀況復迴文寄錦機

對人有淚背人揮關河歷歷孤蹤在身世茫茫百事非  
此時君歸自京闕爽氣深情對衰髮五羊城下困王師  
五虎山前勞戍卒諸將倉皇不可論故交零落亦何言  
但祈天地消征戰敢怨飢寒逐曉昏新詩投我增憂歎  
漫漫長夜何時旦願作雲龍上下隨可堪市虎東南患  
笑譏環起不吾尤太息劉蕡策未收自古人才關國計  
卽今將相負神州朝暉杲杲扶桑曉合璧應同馳八表  
玉兔金屋萬古情鯤鵬橫海猶凡鳥

鐵嶺以扇子畫菊屬題泣然感興遂書四首

瞻彼北門憂心永歎載雨載風我馬孔艱靈脩云遠中

道游盤何以將之熒熒庭蘭

白日東出照此下土豈不子懷迺遵北渚維霜與露亦  
降零雨淒彼百卉眷言攸處

維菊有華榮以徂秋我生旣艱匪疾斯尤思子南畝禾  
黍油油誰將飄風吹此良疇

維菊有華采采盈掬密雲西郊白駒空谷人亦有言毋  
棄爾族贈子斧柯於焉在陸

酬李星村卽以爲別

李侯年少興復豪新詩貽我鏗雲璈筆響絕出天樂  
仙禽對舞瑤華高父兄遠宦玉關側痛飲不問千葡萄

讀書自喜習勞苦五陵裘馬輕兒曹憶昔歌樓始相見  
秋高天遠江聲變淋漓醉墨感興亡三年懷袖藏團扇  
卽今百粵方傳箭安得麾軍銳鏖戰萬里猶存橫海心  
一帆難逐思鱸棹釣龍臺迴面水開白鷗點點如落梅  
歸雲逝水何徘徊英雄已往形勝在烽煙未靖兒女哀  
不出不處胡爲哉翁君一門解好士往往泥我酣金杯  
金杯亦有盡玉饌亦有已獨有飛騰千古心拔劍悲歌  
望吾子風鴉啼暝月如水紅粉成塵吹不起昨夜城頭  
畫角淒幾家醉夢煙波裏以茲謝李侯吾將拏扁舟平  
生故人葉荀與劉西華屋寂寞歸山邱自憐衰病更何



往枉費海外瑤瓊投時兩接姚石甫丈書聘主繅絲未  
斷絲仍續懷古傷今那得休老鶴不飽毋遲留

芭川出視近詩驟進於古兼屢念鄙人情溢詞外  
讀之既喜且悲遂書其後卽以錄別

新詩讀罷吾狂喜始見風騷萬古情十載何妨爭一字  
百家大抵貴孤行神山日曉原無迹滄海秋高自有聲  
李杜本原忠孝在紛紛誰逐後賢名

一別三年萬事哀風雲壯思委蒿萊可憐坎壈人間恨  
轉向飛騰筆下來知我固應君勝我廢才苦念世需才  
鐵衣殊洵蒼茫淚相見悲歌又幾回

驟覺身名天地孤半生師友盡黃墟一聞南浦江郎賦

卷中送遠憶舊  
諸詩尤沈摯

重愴西州謝傳徒歲月可堪歸夢幻病

愁無計厭江湖炎風暑雨登臨地送者何人自戒途

落落乾坤幾俊雄滔滔江海自魚龍歸舟皓月仍三五  
去路蒼山又萬重骨肉貧難親舊恃文章恨慣別離逢  
他時寄我驚人句搔首天青太華峯

酬鐵嶺枉贈長歌卽以奉別

慷慨吟風興最豪素紈贈我勝金刀萬花照海三珠秀  
百鳥翔雲一鶴高自有文章通性命應無貧賤老英髦  
相留歐冶池邊醉幾度干將斫地勞

積水連天皓月多江頭醺酒問滄波山川霸氣長如此  
鬢髮霜痕可奈何苦憶金臺傷錦瑟誰憐珠斛動瑯戈  
劉琨壯志橫河朔夜半登樓一嘯歌

潮落潮生富貴流鼎鐘歌舞幾人休青雲汝在應千古

白壁吾慙照九州

來詩有廿載聲華徧九州之語

同谷全家資橡栗右

軍壯歲誓松楸卻從匹馬關山後憐取文昌耀女牛

惆悵羊腸出入艱六鼇踏盡更餘山故人冠履星辰上  
狂客舟車天地閒鐵笛蕭然隨劒佩金閨聞否怨刀環  
盪胸九折黃河水留取他年照醉顏

寄姚石甫三丈時將赴臺渡海不果

登高望四海但見雲飛揚長空萬里去烏盡嗟我欲渡  
仍無梁使君遠別鬚眉蒼赤手獨捍黿鼉鄉夜瞻南斗  
夢北闕浩然氣與天蒼茫君不見樓船百道來西極橫  
海伏波惟歎息五月妖氛暗虎門金戈玉勒無顏色義  
民爭自起山東諸將嗟誰棄河北白旗晝捲泣蒼生一  
老臥營空不食使君孤憤當何如鯢身駭浪驕龍魚盤  
盤萬山錯瘴癘山精吐火燒尾閭百年戰爭屢焚掠千  
室困苦奚息蘇卽今游閒已屏迹坐恐狡寇還東趨豈  
無兵防秋亦有帥建旆人生艱難際事會智者憂危悍  
夫泰

聖主知深敢自安  
斯民命重須無害  
蕭蕭短髮海風吹  
骨肉回頭隔天外  
尺書頻番來待我  
脫劒休徘徊我懷  
抑塞誰爲開亦欲  
傾倒海水酣一杯  
盜多轉凜垂堂戒  
病人難言濟世才  
夢飛渡海見秋月  
月落空牀還自猜  
昨宵故人歸能言  
使君事一言頻問  
訊再言不得意三  
言未終欲垂涕力  
疾事無遺鉅細直  
看太守臥淮陽頗  
惜將軍加廣利驚  
波晝夜奔滄溟滔  
滔身世安得平功  
名自昔歸豎子壯  
士何足哀平生側  
聞楊僕早奏捷又  
聞婁敬能求成牽  
羊刑馬兒童淚絕  
海滄江去住情

戲爲蕙卿作畫走筆題二十八字

雁宕歸來二十秋夢中兩失武夷遊參天萬石無人處  
木老鴉寒水自流

往歲乙未福州友朋於積翠寺餞余北行卽席賦  
豪字韻詩數年來屬和者甚眾今夏六月四日家  
辛田明府招陳少香明府黃螺石茂才重過寺中  
主僧出前詩相視因疊韻一首

豈有詩名一世豪自憐衰鬢此重搔江山尙帶斜陽滿  
烽火休連瘴海高將士風雲猶臥甲書生歲月但驅毫  
樓船在望條支遠誰向窮荒洗不毛

次日黃蓮卿招同香谿劉東臣

琛

芒川啖荔積翠

寺疊前韻

病愛游仙興漫豪只宜鳥爪背閒搔揚塵何止嗟三度

余嘉慶丙子初游此一破寺耳其後自慶上人火燠莊嚴旋復傾塌數年前再新之即今所也而上人今圓寂矣

列岫都如對兩高故國湖山頻送酒連營露布孰揮

毫時粵東海氛未靖余雖賤士而盼捷甚殷共餘憑弔孤忠淚丹荔猶堪擬

澗毛

四君各次前韻有詩三疊韻奉東

匹馬南來百不豪五花蕭瑟抑風搔病愁歲月千秋疾  
江海乾坤一氣高杯酌清涵雲水影林棲涼想雪霜毫  
倦游觸熱嗟何爲破虜空思斬二毛

是日閒話四疊韻寓感

扶風狂士醉猶豪襟酒餘痕手自搔畫到旗亭歌未斷  
夢回鏡檻月初高游仙何處尋孤枕寫韻他生託采毫  
辛苦簾櫳喚倦雪衣閒與理霜毛

香溪卽坐閒索詠寺中並蒂荔支兼限雙字韻口  
號四首

莫論粵海遙聞江憐取團圓濯碧缸紫玉四垂生並側  
紅雲一朵影成雙平分瘴雨香交送對立丹心老未降  
惆悵漢庭人柳盡不如扶荔護僧幢

分飛孔雀怨廬江肯擘輕紅付紫缸武帝故宮人未獨



太真私誓笑初雙重胎  
荳蔻心同結抱影芙蓉意亦降  
似與空王呈色相  
風前對對列旛幢

驛騎迢迢想蜀江  
析醒未許伴銀缸  
橫陳玉體情誰偶  
對解羅襦態自雙  
珠豈百賴虬對戲坐如兩紫燕來降  
並頭連理齊虛幻  
難訊人間智慧幢

楓亭筠籠接涵江  
何似收菱泛水缸

吳興采菱兒女多以瓦缸坐浮水面

隨采

隨劉白丹青原許貳  
方陳紅紫本來雙  
名齊照海應

交讓色總傾城未肯降

聖主仁如生佛惠  
早停貢使走麾幢

芑川和詩有瘴海烽煙猶未息  
同心有願祝禪幢

句帳觸余懷疊韻二首奉東

高樓醺酒對晴江  
尤物何心伴玉缸  
歌怨龜年紅豆疊  
貢思趙尉火珠雙  
西番瓜已頒

行在南海城誰築  
受降記否東坡三  
百顆飽供諸將臥  
旌幢

唐灣一帶接珠江  
浥露光浮翡翠缸  
騎出青羊原自伍  
飛來赤鳳爲誰雙  
新愁同夢棲難穩  
舊對酡顏醉每降  
莫憶海天論買夏  
樓船風颭碧油幢

疊韻再柬芑川

風波何處不橫江  
合遣仙人勸酒缸  
夢裏紫雲愁不一

雪邊紅玉淚皆雙。色香經宿還相抱。煙雨先驅。總欲降  
獨有交柯珊瑚碧在海山無主影幢幢

小艇遙遙剪大江。載將火實貯金缸。紅冰薛女香風雜  
白玉甘妃寶帳雙。絕艷相傾情轉附。焦心同偶恨偏降。  
有焦核者最佳晝船流水仍春夢。日啖何堪憶海幢。

少年青鬢照螺江。慣嚼朝霞露滿缸。形影阿誰花外獨  
容華如此鏡中雙。釵懸火鳳飛相向。盤睡珠驪鬪亦降。  
贏得滿枝紅綠恨。閒從禪榻話經幢。

招涼水閣又臨江。分付槽牀小注缸。

近日漳州有以荔枝壓酒者玉

雪可憐。憐爾共風流。無偶偶然雙。紫綃素幕香重掩。廬

橘朱櫻品自降多少同根成豆泣懺除須禮法王幢

芭川復有和詩再疊韻四首戲柬

曾聞甘酪出巴江不數葡萄酒百缸蔡譜之閒何有偶

君謨譜中無及茲帶者

宋梅以外自無雙

積翠寺有宋梅一樹

朱顏對倚香

塵合玉液分嘗渴病降掌上勻圓光欲亂真看彈指現

珠幢

齊名自昔數藍江魏紫徒誇洛下缸相背圖成如己兩

最佳核好擬丁雙

荔有丁香核之稱俗所謂焦核是也

心嫌蓮子同房苦

色遣桃花疊瓣降祇恐分銜勞翠鳥護持須與借風幢

不同朱橘照寒江終付人間賣餅缸

橘餅亦出吾閩

簇簇亞枝

東坡先生詩集卷二十一  
攢火亂離離脫手摘星雙奴輕龍眼甘先和肉較雞頭  
賦早降徒說狀元名已陋分明霞繖掩金幢

滴水源知南北江瓦泥影現萬千缸眼前幻相原無數  
物外情根亦有雙錦障珠嬌風未老倚樓壁合月應降  
終須解脫纏綿意不待圓因證寶幢

六月初十日芑川兄弟招同鄭修樓同年鐵嶺蓮  
卿香溪北溪登烏石山文昌閣口號四首

高閣蟬仍唱閒庭鳥自飛舊遊渾似夢

往與會城諸友屢集此多

病不如歸氛祲干星象

天文家言近歲彗掃文昌

江山動曉暉東南

輝未息臨眺一沾衣

海水涵天迴蒼茫萬古心不才難獨往未死尙哀吟燕  
雀橫空滿蛟鼉得氣深直愁蓬閣外老鳳失丹岑

丹實明愁眼祥鸞久自飢炎風蒸草木暑雨怨旌旗有  
夢兵應洗無家醉亦悲杯長將短淚聞灑范公祠

列坐連佳士勞歌見古人病兼兒女累狂得友朋真地  
俯南荒盡天瞻北闕頻登高還送遠

修樓明日  
往漳州矣身世劇

悲辛

### 走筆送修樓之平和

八年重見意如何逝水依然送綠波異地山川猶俯仰

昔與君嘗  
集飲於此故人歲月獨蹉跎雲屯虎帳烽煙靜

漳州沿  
海諸邑

皆設龍江在漳州潮落龍江晚照多北三十里聞道湖州思教澤

不須粵海感脩戈

地北天南極望勞海山蒼莽恣揮毫蕭蕭客鬢看俱短

落落晨星悵獨高骨肉尙憐分兩地君太夫人在建州功名何

意夢三刀尊前痛飲休辭醉明日滄江隔暮濤

平生潘岳最奇恢謂四農縱酒燕雲日百回醉後苦談天

下事病中猶數古今才懷君不見炎荒遠老我空歸瘴

海哀相對那能無涕淚卻從死後惜金臺

白髮師門謂鼎甫夫子萬里遙罷官猶感

聖明朝卽聞陪讌會三月想見歸心滿六橋房杜勳名

慙弟子歐蘇蹤跡各漁樵不知何日江鄉雪共聽憂時  
話寂寥

師友寥寥意氣真每逢離席倍沾巾肯言此別難相見  
但覺當時總愴神海上炎風官驛阻夢中明月屋梁新  
加餐勸汝書休寄我亦東西南北人

是日留連至夕復漫成四首

白日斜滄海青天落酒杯風光盤鳥轉嵐氣雜雲來飛  
動平生意飄零濟代才莫窮千里目平遠久蒿萊

閣外  
俯臨

山於

歌泣無端雜當筵眼暫明江虛先受月煙遠半吞城蕩



蕩晴空曠沈沈夜籟生憂端翻不一太上愧忘情

千萬環山石巉巖沒蘚痕代憐唐宋往俗尙鬼神尊

山中

祠廟尤多

出檻風螢亂懸巢露鶴喧不知來徑黑懷古漫忘

言

世事紛無定吾生亦有涯星辰應酒客秔稻慰田家  
髮已緣愁短身先傍燭斜衰慙戀朝夕萬態薄空華

### 銀河斷橋曲

王烈女小字貞福州侯官縣人父故衣工女恆  
操針線以代父勞女九歲時許字閩縣儒童鄒  
瀛洲道光戊戌女年二十一鄒年相若也猶未

于歸七月五日鄒以母喪哀毀卒越二日女侍  
母如平常母爲言乞巧事女歎曰巧有命也何  
以乞爲旋假浴入室母怪其久排戶視之縊死  
矣縣人哀之爲徵誄詞因賦此詩

紫霄一夕罡風起黃姑夜泣明河水銀潢曉涸化秋煙

老烏欲渡空銜尾支機石碎天雨血海濤浸月浮槎裂

織女迴車雲幕淒金支翠旗光景滅啞啞青鵲何可憐

紅光墮地悲向天

女死前夕有紅光墮於庭

夢中孤影弔破鏡赤繩

一斷香千年東歸精衛奈何許銜石不滿牽牛渚西方

長庚照玉窗錦裳灰飛作零雨惟有江流限南北迎來

桃葉嬌顏色青溪寂寞蔣小姑瓜果無情坐嘆息

薌溪招同少香蓮卿及其弟子龔梅巖集龔氏園

亭少香卽席有詩索和次韻四首

元龍舊狂客司馬小名園鑒水知空影看雲悟幻根鵲  
忙仍曉日魚樂亦江村何足升沈慨方當避世喧

去國憂時淚迴車失路心千秋疑醉夢萬事視晴陰雨  
色宵留磴花光午韻琴暫紆濠濮想何必不華林

罰酒依金谷藏書富玉篇病猶望狂簡愁漸喜神仙碧

海光搖暮青山夢入煙蓬瀛如可畫眼底有龍眠

少香  
梅巖

俱擅  
入法

文燕招尋屢兵交感慨長樹聲酣夜爽石氣聚秋涼破  
虜思橫海陳詩感渭陽主人有卿甥也莫辭千日醉何處任佯  
狂

是日驟雨疊韻四首

又聽蕭蕭雨風聲正滿園乍兼涼暖意轉淨見聞根雲  
壓城如蓋人愁漲沒村笙鐘太無賴洞壑久爭喧  
嶺海傳烽地炎蒸轉鬪心洗兵占一雨落日變重陰自  
理衝泥屐誰彈退敵琴渡瀘先止渴不必望梅林  
共有移樽興甯無喜雨篇對牀應憶弟食字不成仙早  
漫妨秋稼歸堪趁水煙江天新浪穩似此醉高眠

喬木成陰古名家舊澤長風雲懷往迹

海峯先生往往在兵閒有大功惜

爲當事所掩

林水抱新涼客豈耽醕酒天如戒亢陽萬緣空

迅電誰訝次公狂

書薌溪長君慶炳扇子

炯甫婿也

東坡早見斜川慧洗馬真如樂廣清願爾著書三萬卷不妨譚笑薄公卿

書薌溪次君慶濂扇子

筆下神來驅萬卷阿翁儒雅是吾師坐中已覺州人異膝上應憐未婢奇懷玉前身方悟鶴秣陵他日好探驪子皮家事如吾聽一與傳經一授詩

薊溪以江城如畫樓集飲詩索和次韻奉酬

尙走風塵笑馬牛側身天地亦孤舟  
江湖望闕翻無路嶺海籌邊儻有樓  
酒醒客懷當落月夜涼漁火在迴流  
北歸蕭瑟傷南顧君漫言愁我欲愁

夜發陽碕江

二更潮已漲孤榜客隨流  
天遠星沈水山重霧變秋  
新涼憐短褐羣象見空漚  
誰識雲霞意飄飄逐夜鷗

沂流至瀨下

層巒盪朝暉石色藹江碧  
松篁氣成煙百轉蒼翠滴  
風中水鳥鳴漁舟過無迹  
似經富春灘奔走愧形役  
前村

日正午白雲益青壁蒼茫蘿薜谿宛有古時宅巖岫紛  
嶢嶢渚沙亦歷歷浩然遺世心一棹終何適

自瀨下步至葛嶺

遙聞沙籟聲卸帆就叢竹村人怪客忙欲笑先以目小  
舟呼不進觸熱越嶺麓夕陽扇火輪紅光盪胸腹不知  
汗浹背屢顧望喬木蕭森百丈崖茫然在吾足林迴見  
墟深夜涼喜酒熟朝行入水簾何似西湖曲

西湖亦有葛嶺

至方廣巖留宿口號

茲巖信奧曠靈構嗟何年荒谿旣阻絕峻嶺仍迴旋青  
霄照白壁皓若天鏡鮮

白壁岩名見志書  
余擬易之曰天鏡

飛梁瀑始落

疊磴雲重緣嵯峨擁巨石蔽虧中有天蒼蒼萬樹色摩

盪成孤煙不知煙藹上嵌空層崖堅巉峭俯絕壑飄蕭

挂鳴泉風吹急雨霏散爲千珠圓盤盤覆釜跨歷歷鍾

乳蜨刁刁眾籟合蕩蕩虛舟懸秋花綴佛頂岩頂石佛

海棠百十叢古藤垂僧肩雪縷藤見志夜中月不到星斗半

闌前下見亂峯高空寒勢無邊想當太始日棲息來飛

仙人閒可哀曲至今付涼蟬露曉百蟲淒山秋孤燕翩

巖中有石燕巢石誰能借方竹巖中所產驅汝龍馬還龍尾泉回

頭馬皆巖中石我游正多病瘴海歸無田狼烽暗東粵

登臨愴流連徐謝迹久荒岩中有徐興公謝在杭題名况論名世賢

思伯子堂詩集卷二十九

古



聊尋小鳥懽煮酒吟詩篇

不消日詩  
巖中鳥聲

口號次蓮卿韻

乍覺重雲壓地昏不知斜日墮巖痕陰崖裂澗原無路  
絕頂摩天更有門歷歷瀑簾懸漢影蒼蒼石筍挂秋根  
夕禽對語山風動靜處居然萬籟喧

白題九曲泛月圖贈芑川

余與芑川九兄性皆通介雖日俯仰塵壒閒而  
蕭然有遺世之想時事漸艱偕隱無地念武夷  
九曲最佳又余所舊游也爲作此圖并綴以詩  
寄他日息壤之意云

我衰更多病愛汝如弟兄平生萬夫氣一笑成孩嬰頗  
思仙佛迹獨往難爲情庶幾山水閒相與還空明人事  
禪夜月誰能計虧盈古來磊砢士其吉亦以貞吾非充  
隱者子真太瘦生壑船儻相迂邈然天游行

題瘦雲畫扇

辛丑秋七月廈門失守時瘦雲在彼從軍心甚念之刃之十九日適鐵嶺

孝廉以此屬題  
遂草草書之

絕好吟詩作畫人無端瘴海冒烽塵驛門望斷遲消息  
爲汝連朝獨愴神

思伯子堂詩集卷三十

建甯張際亮亨甫

諸將 辛丑

嶺外嗟諸將傳聞有是非豈矜龍種貴不見虎頭飛南  
海珠應盡東山甲未歸亦知恥和議無奈逼重圍  
樓船推漢將此日復何人晝夜窮歌舞烽煙泣鬼神才  
原如李蔡寇已縱虜循戎馬倉皇際元勳乃乞身  
白旗甘歎敵樞府憤傷生玉軸隨歸櫬金山憾退營天  
驕仍背約

朝議豈求成聞道褒終厚魂應泣旆旌

奉使專籌餉臨邊再建牙刻深能治獄曲謹豈忘家辱  
國隨三帥憑城慘萬笏甘心對開府飲泣負皇華

須懷

百戰天王土三軍節度旗建牙兼大帥犄角失全師棄  
甲嗟何及呼庚勢豈支轉因房琯敗深使少陵悲

白面談兵易蒼頭破虜難羣才矜借箸一戰豈彈冠幕  
府能尸過閭閻孰捍患邈超吾所惜殷浩汝何歎

召募多無賴傾危早有機倒戈迎敵騎觀壁棄戎衣三

郡愁征調

延建邵兵傷亡最多  
今又重調二千名也

羣酋雜笑譏終應譚戚

在母使片帆歸

縱火兼淫掠千家幾口存可憐天地意難訴鬼神冤列  
幕烏鳶避當關虎豹蹲七閩財賦地回首忍重論  
開府初聞警倉皇集宦家誰殷桑梓急徒益市塵譁亢  
旱妨民食災傷耗物華漫勞招壯勇城郭更紛拏  
拜表仍求餉輸邊肯累民歌風思猛士食肉歎庸臣礦  
使明綱素貲郎漢法陳須懷休養澤盡瘁報

皇仁

七月廿三日去福州北溪送出井樓門外同宿琴  
亭口號爲別是夜白露節也

離亭秋太早一夕百蟲聲多病重爲客孤游且避兵風

雲天正遠河漢露初成後夜城頭月應憐兩地明

羅源石氏雙烈女廟

慷慨能完萬古貞激揚猶想勝朝情

廟額有福王時知縣章簡敘烈女爲

神始末

烽煙幾見連閭井兒女何當決死生滄海波濤仍

羽檄紫霄風月自霓旌

烈女爲神於邑之紫霄巖願將吐火翻江術

一剪長鯨答

聖明

世傳烈女爲水火二神

甯德

小邑隣滄海荒城雜碧山不知烽火近差喜吏民閒潮  
色孤帆際天光眾鳥閒憂時空眺遠何日故鄉還

經梨嶺至白石司

梨嶺復梨嶺遙疑峙兩孤

建州亦有梨嶺

山高失海日潮滿得

江湖土物魚鹽賤村光竹木腴病衰行未息君聽鷓鴣  
無

官嶺

屬福安

長松聲滿天修竹光翳地千峯靜朝暉一鳥嘯空翠

鹽田

屬霞浦

渺渺啼鴉日又昏行人喚渡市樓喧殘燈欲燼聞風雨  
夜半潮頭始到門

至福甯作

時太守勸民出錢募鄉勇

海上狼烽動山中鶴唳驚輸財寬請餉置戍急招兵城  
郭通潮汐秋風滿旆旌夜闌占太白天迴愴孤征

過天台嶺

屬霞浦

百道懸泉界道流倦歸何必石梁幽不因過雨蛩聲急  
已信人閒滿地秋

再寄芭川

卅載談兵客軍興轉退閒可憐滄海月惟照赤城山工  
部悲諸將昌黎厭百蠻霑襟送行淚拂拭愴衰顏

登太姥山摩霄峯絕頂

搔首乾坤望八荒極天秋色暗扶桑千山勢盡盤滄海



萬石聲多動夕陽  
洞壑幽蹊爭窈窕  
風潮成火又蒼茫  
登臨肯問人閒事  
俯仰無端鬢有霜

宿貫嶺

屬福鼎

斜陽滿山谷  
藹藹豆花煙  
倦客今秋燕涼風  
自暮蟬地  
形豁戰壘  
連日經秦嶼店頭皆倭寇出沒故道也  
民氣祝豐年  
病眼愁新月  
母將到枕邊

過分水嶺寄芭川

八月七日

登高何有棄鄉愁  
愁汝蕭晨憶遠游  
百越亂山皆下界  
一年明月又中秋  
定應燈市銷歌管  
莫忘戈船撤戍樓  
時聞逆夷退出厦門  
憑寄北流流去水  
知余身世恨悠悠

過南雁宕詠動搖石

屬平陽

我登戒壇頂醉撫活動松一柯引萬幹勢欲騰虬龍常  
怪宇宙閒變幻不可窮茲巖更奇絕磊石高嵌空萬牛  
苦推挽赤手能爲功岌岌勢欲落蕭蕭天正風借問誰  
使然山虛無人蹤飛雲送海色倒挂長林東安得躡日  
馭下瞰扶桑紅飄零山水閒南北愁英雄

次瑞安寄懷孫琴西同年

君時在都下

潮頭捲雪海門來落日蒼茫想霸才天下幾人吾廢賤  
眼中爲女故低徊須令絕域懷王土

時爲琉球教習

誰掃妖氛

靖將臺爲報此鄉烽信近燕雲南望莫銜杯

時平陽瑞安沿海皆

有吏船

重游江心寺

己卯冬  
曾至此

謝孟題詩處煙波日渺茫永懷文信國死殉宋諸王嶺  
海新邊警江山古戰場廿年空老大辛苦付文章

哀董翁

翁字植軒吾邑排前人賈於溫州己卯余  
至溫留館其寓今翁沒已久業亦替矣慨

然追念而  
作是詩

少年愛游覽興發隨所之常懷一飯意欲報嗟無時憶  
昔嘉慶末歲晚猶路歧董翁雖賈人燕款如親知貸金  
並進食慷慨無難辭浮雲逐飄風墜葉思故枝冉冉二  
十年翁死吾亦衰經過飲酒處正有河山悲門庭惻中

落何用酬夙私乃知韓王孫自以漢祖奇雲帆帶海國  
烽火連天涯往日江心寺今來見旌旗逝者固寂寞存  
者或流離生民苟已然我哀亦奚爲

樂清遇何明經穀貽

震亨

招飲縣署出扇屬書

歐陽往矣

謂吾師希修先生

髯翁老喜見尊前叔弼才八月濤

頭天外斷百蠻戰氣海中來倦游共訪梅溪宅糜帑還

徵竹箭材

時聞東河決口二百餘丈

沈醉莫論身世事蕭蕭雲葉卷

風埃

阻風樂清二日中秋日冒雨就道游雁宕時穀貽  
有書招飲口號謝之

中秋難聽曲江潮累邑無端更暮朝敢謂食饒卿雁在  
合看瀑許阿龍超雁岩屬樂清而龍湫瀑布最佳故戲借古語千年明月孤  
懷滿萬崢涼雲一笑招爲報佳辰虛置酒復興行趁雨  
瀟瀟

由四十九盤嶺至能仁寺

入谷如懸鵲循山笑旋螺石盤泉氣聚天蕩海光多澗  
冷交杉檜庵荒坐薜蘿空增人代感鐵鑊久摩挲

尋斤竹澗

微陽隱叢竹谿谷冷人煙磊磊夾天石蕭蕭倒地泉山  
陰清眾響秋老澹諸緣何必懷康樂吾生亦逝川

由霞映潭經大錦溪尋大龍湫

空山浩晨發閔默淒無言悵念千世士此焉知誰存沿  
潭索悶翳入谷淩潺湲峭峯拔地立絕壁飛流翻泉靜  
瀑乃動縈孰爲之根豈歧萬象變了悟一氣原往迹覺  
已逝來徑去轉屯企石弄朝暉聊復得所欣

八月十七日觀大龍湫作歌

我夢乘雲向滄海下戲海若玻璃宮蛟綃手裂百千幅  
卷四海水驅魚龍龍歸杳何處覺來但見蒼山曙前有  
千年斲絕石柱天剪刀峯亦名天柱橫空鐵障排雲馭是時峽  
偈天風哀海濤破壁轟怒雷欲落不落高盤迴如旋如

舞如徘徊忽然風斜捲向日照耀中有金銀臺煙霜雨  
雪眩迹象無此萬丈奇采百變爭飛來直疑毫光放千  
佛妙蓮花相無根芟斷虹雌霓飲碧落采雲明月思流  
杯卻從湫下坐面壁掬取空虛餘默滴對視旁觀態不  
同同是銀河曉秋色瑤華滿地無人迹晶簾晝掩誰歎  
息使我耳目蒼茫感今昔憶昔午日醉倒匡廬尊五老  
三疊奇能言黃岩

在廬山

黃龍

在羅浮

如石門

在青田

天游

在武夷

夷難並天台論此瀑雄應冠天下惟有錢塘潮勢差弟  
昆朝來正是弄潮節安能重駕鼉與黿舊游回首總泡  
影絕境再覩清心魂何沉疾風怪雨連朝昏放晴實荷

山靈存以茲大呌發狂喜崖上奔騰驟掉尾匹練隨聲  
下罩人素衣欲挾明霞起嗟爾驪珠不自惜紛紛拋擲  
錦溪水乃知此龍真乖龍不如鎖置溟渤割其耳空山  
寂寥完太始母使觀者歎觀止吾將青鞵布襪行蓬萊  
揮手笑別朝天鯉

旁有石名朝天鯉

### 過馬鞍嶺

嶺勢如奔馬微凹膝可容峭厓分兩谷絕頂貢諸峯秋  
聽懸泉引天光亂石封高呼通帝座誰控二湫龍

### 靈巖

靈巖石何奇高深含靜意削成十數峯峭拔千萬歲初



入駭巉巖久坐覺幽異有如真英物才以學問繼自非  
降禮遇未許測經濟盤雲擁壁色倒風動泉勢洞慙夜  
見天月出秋滿地濯髮宜龍湫洗眼宜龍鼻蕭蕭煙雨  
寒四面水聲至寂坐安禪谷了知僧拜義岩右有僧拜石我茲  
本再來歷險索靈閼東西鷹縱眸高下猿引臂村人拾  
桐子怪問客奚事此語亦可矜笑與指蒼翠

觀小龍湫作詩

大龍湫瀑何雄尊小龍湫亦難弟昆谷中重障莽迴合

羣青聳翠摩天門石僧似拜兩旗展大小展旗皆峯石玉女峯名

欲跨雙鸞峯名騫前圖卷圖峯名後鼎寶鼎峯名各磊落重樓峯名獨

思伯子堂詩集卷三十

秀名爭騰軒萬石之氣聚爲水百千丈注虛無根高崖

上扼極巖盪峭壁下拒成崩奔積陰不朽翳白日皓月

對照排黃昏心知中有古沆瀣悵然仰望不敢吞秋風

蕭蕭振巖籟狂叫亦復隨飛翻薜荔書靜山鬼笑聚散

作態仍無痕不應造物太唐突一一巧奪山靈魂劒泉

在此漱側簾水珠簾水在孰變幻風洞在大石室誰蒼

旡當前角立兩天柱天柱峯在此前最奇而勢欲並

起撐中原物奇必偶數所定賢出相應世可論安禪谷

在此漱左以詎晏坐亭名在大龍漱了不異水飛山立

僧無言嗟余昔游昧知見及此衰疾艱登捫苔荒徑險

人迹絕窺尋竄竊走且贈浩然意已忘四海乘槎豈更  
貪崑崙汲潭煮石或來去兩湫濯足攜曾孫請將此語  
約龍媼似有應者啾啾援

龍鼻洞

入天出地但見石人在石中數龍脊借問何年蛻此山  
蜿蜒倒挂千尋壁厭蟠滄海揚劫塵懶窟明河漾秋色  
獨餘霖雨世閒心萬古蒼茫示一滴南陽昔有高臥客  
難展炎靈運數極始思渡遼管幼安蕭然不染元黃迹  
烏虜誰能洗眼行歌歌乞食

暮由鐵城障經水簾維摩諸洞遂尋餐霞洞歸宿

見仙三堂詩集卷之三  
蓼花障下仍出星橋坐月慨然成詠

白日忽西逝近遠山淒然重嶂窈合沓上與浮雲連涉  
溪越危石憩谷尋流泉欲窮餐霞奧遂造巉巖顛石梁  
正在下仙掌當其前蕭條緬太始化迹淪荒煙猿鳴竟  
催暮峽逼還翳天杳杳夜星稀蒼蒼秋氣懸懷新旣冥  
漠念狂仍遷延諒非金石姿誰能貞百年起視星橋月  
慨想他宵圓洞壑同一照霧露誰孤沿人事未有定吾  
生庶苟全毋將導師鐘覺此旦夕緣

留題淨名寺

嘉慶己卯余年二十一來游此山與  
道融上人禪話甚洽今道光辛丑再

至而道公圓寂十  
二年矣慨然口號

廿三年再訪精藍旅燕巢痕宛可探  
止觀空化後

道公以止觀名其堂故人詩夢斷江南  
陸萊莊太守昔游此山有詩見青今率矣西湖詩夢

太守紀舊游圖也嘗屬題焉泉聲過月猶秋  
鑛石氣浮天  
自夜嵐積

右登臨腰腳健莫攀庭樹歎何堪  
止觀堂前一杉昔不及丈今踰尋矣亦道

公手種也

### 靈峯洞

靈峯石何奇盡作飛騰勢行經照膽潭  
參差如展翅

芝峯名實秀發鬪雞峯名偶遊戲獨喜大士尊  
背面大士不右峯名也

滅羅漢異洞一名羅漢洞也我窮三百級目渺大千際一線乍

吐天諸峯宛擘地蒼寒歛倒壓青峭莽爭至正愁皦日

思伯子堂詩集卷三十  
十

昏或益震雷墜風聲外蕭寥杳靄中韜閟飛泉界虛空  
珠玉鏗涼翠應真默無言隙罅儼相次悠然想太古邈  
爾發遐喟憶昔嘉慶末吾生方少歲空巖冒寒雨跣足  
代游騎是時白髮農皆負青霞意豈知二十年瀕海來  
兵氣艱難愴民生零落到僧寺君看此洞屋廊廡半頽  
廢我欲乞諸佛幸與閔斯世偉人佐昌運大澤敷

皇惠進能戡禍亂退亦存經濟謝安東山伎范蠡五湖  
智于焉此逍遙老願侍鞍轡鐘聲送歸鞭回望有餘慨

### 石梁洞

我從西谷來復出東谷去山靈變已窮狡獪逞餘趣飛

梁竝青霄石骨皆倒露天光劃開豁洞勢爭割據中疑  
積亂煙下已摩高樹一峯倚櫓前與客供指顧笑問謝  
公屐千載落何處不如老僧崖頑鈍自如故秋聲起四  
遠併入流泉注晝晴雜雨風禪定忘旦暮嗟余浪游迹  
消散若罪霧安能息靈湫騎龍駕雲馭頗聞仙橋勝欲  
往阻徒御浩歌向澄潭應洗百憂慮

雁宕山中雜詠

玉禾仙鼠食天上恣逋逃縱有驅除意浮雲蔽日高

望天

詩

霓裳天上詠姓字國門懸何似山中石猶延世外人

仙

榜

四海論詩事心知更幾人未應嗟此叟側耳氣嶙峋詩聽

叟  
萬古無依傍名山且退藏自同龍變化何意侈文章筆卓

峯在小龍  
湫左側

但識禪心在何鄉不可安坐憐一谷暖行恐萬方寒安禪

谷  
斧鑿何人事無奇欲幻奇老夫來一笑果似世閒詩天聰

洞  
紅夷一炬火瀕海無堅城安得此鐵壁與障千蒼生鐵城



障

歷歷漾水簾蒼蒼動天色洞門無居人樵牧自相識朝陽

一峯倚晴空古洞今成宅惟有山阿人束薪煮白石碧洞。洞爲俗僧蓋樓房閉塞失舊觀數年閒有黃岩僧來洞旁開一小洞蓋草庵樓止外觀殊勝僧亦頗朴誠游屐東西至僧應懶送迎人閒誰謝客昂首欲空行老僧

過盤山嶺回望雁宕在煙雨中慨然成詠

石門潭西老僧石送我東過大荆驛盤山之嶺高百盤遠見雲峯猶歷歷輕煙細雨自作態斷澗傾崖總陳迹

卻如昨別劉九行行九未免相憐復相憶導師晏坐幽

絕處知長飛流幾千尺仙鳥不借徐郎衣欲往漫思將

羽翼金焦岱宗更武夷亦常兩游慨今昔皎月流空照

高下疾風捲葉飄南北讀書豈爲致卿相壯歲何曾荷

家國戈船擾擾世茫茫臺省袞袞吾寂寂尙當西去問

流沙隴蜀滇黔恣攜屐遙持片語謝山靈倏忽蒼茫失

青壁

過桐巖嶺屬臨海縣

曉入桐巖嶺劬勞與僕分日高猶缺月天遠正孤雲羽

檄馳頻警山風颯又聞深憐賣漿叟轉訝客辛勤

甯海道中聞定海之警

又報西夷逞誰寬

北關憂落星悲大將橫海領諸侯戰守宜深慮災傷未  
盡殤烽煙仍旦暮父老再遷流

島邑孤懸海樓船重駐兵頻侵漢塞動誰遣道州生財  
賦銷元氣波濤卷殺聲空山叫猿鶴能使旅魂驚

定海哀

戍兵半年守舟山帳房蓋地艱休息寇來飄忽若鬼神  
五晝夜鬪不得食海濤撲人風雨急礮火無聲天日黑  
島虜三帥自歸元殘尸滿地無人識

鎮海哀

十日寇不攻一攻棄城走金雞山險莫能守飛彈撲城  
大如斗四千甲兵同日逃淫掠可憐徧童婦烏庠置之  
死地而後生避實擊虛兵家情孫吳之法夷虜明嗟汝  
大帥徒專城逆夷每用杉板船載三百人登岸其船即  
歸海中以故無不用力死鬪又我兵扼守  
大口而逆夷每用漢射引入小  
口登山緣岸以故屢獲勝仗

甯波哀

定海破走鎮海鎮海破甯波在甯波城中兵數百寇未  
來時已無色寇來棄甲雜民奔長官先不知何適傳聞  
大臣醜又聞將軍逃我

皇之仁如天高嗟汝士民曷不忍死憑城濠主客眾寡  
勢所操巷戰猶足殲其曹

### 後甯波哀

哀甯波甯波吁可哀逃兵五六十氣色若死灰倒拖斧  
與刀喧言紅毛來居者聞此言倉皇棄樓臺行者聞此  
言奔走起塵埃婦孺聞此言哭泣沿江涯舟子聞此言  
故向中流開千錢至萬錢百喚始一回船中男女雜項  
背相擠排箱篋任倒置啼笑紛嬰孩我乘小破舟呼者  
聲如雷不敢附之載逃兵方眦睚側顧岸邊人肩負何  
累累疾趨屢昂首視日心悲摧悲摧不識路癡立號同

儕旁有水村農咨嗟對疑猜可憐白日落照見江如揩  
照見海天雲血慘寒濤堆我舟泊蘆蕩急櫓驚宵催舉  
頭壓亂星低頭竟誰偕伶俜瘦僕弱始思故里佳故里  
雖苦飢骨肉情低徊異鄉一失計或飽狼與豺

皇天鑒下民福爲禍所胎粵閩及此鄉航海萃貨財鬼  
神惡淫佚烽火成昏霾吾欲竟此詩此詩傷我懷聊比  
監門圖以告投艱才

奉化縣

我昨至奉化惟見負販人今朝甯波返逃兵一何紛怒  
氣索飲食乍笑旋吟呻怪其痛楚意視無傷損痕不敢

與人坐竊聽何所云共言主帥刻買酒方無錢又言紅  
毛巧礮火必著身先走或不死不死由鬼神旁有本營  
將曳履欹冠巾仰視故咄咤側睨皆逡巡佩刀割大肉  
醉飽臥向天烏虜用此輩安能張我軍吾聞帝王世計  
里出征輪寓兵於農畝倉卒猶戴君進固不避敵退亦  
顧所親少年謂迂闊古道安足陳及茲覩敗卒始歎政  
術溷其時我困極患難兼苦貧幸遇避兵客其家在羅  
源慰藉叙同鄉謂昔誦我文貸錢餘一萬乃各謀所奔  
夜聞人語急大半流離民起視月無光山氣暗溪濱晨  
朝百物貴縣役已在門捉船復捉夫云將備赴援主人

運筐篋亦復移深村對之驟悲歎舉目非故園前行數  
十里老婦攜幼孫借問將何往答言逃烽塵去去莫復  
道秋煙晦城闔

自奉化避兵至嵎縣口號八首

紅葉清溪映碧山摘蔬刈稻野人閒不知烽火孤城逼  
倦客傷心鬢白斑

炊煙晝起忍朝飢僮僕淒涼雨溼衣猶勝避兵小兒女  
喚船江岸泣無歸

疏紅遠見出茅簷秋老芙蓉色倍酣搖落江天思畫角  
更無艇子學江南



乍放微晴日又昏黑雲頭上急翻盆一杯村酒千尋得  
醉數山神倚廟門

陳公嶺上雨風淒嶺下荒庵密竹齊苦乞一閒難憩足  
殘兵臥地徧雞栖

夾嶺長松一萬株松根雲雨氣全無陰陰積翠涼如水  
聽徧山泉和鷓鴣

昏黑投門竟自開主人慰藉勸持杯敗籬破壁燈無焰  
賺犬聲中睡夢回

剡中山水似吾鄉九曲溪流碧玉光向晚四明雲氣合  
秋城一角畫斜陽

過王右軍故宅

在嵊縣東六十里今爲桐柏觀

晉業偏江左名家半剡中  
華夷爭戰伐襁飲送英雄墓  
已中年誓書應百代空艱難戎馬日  
想象換鷺風

日鑄嶺

嵊縣經會稽百里皆溪谷高下盤蒼山  
蕭條映茅屋川長風雨多涉歷億童僕  
今朝日鑄嶺稍稍吐煙旭道逢老翁來  
勸我宜停足紹興十萬家八九去村族  
昨日失餘姚大半遭屠戮官兵守曹娥  
傳聞惟痛哭我本城中人竄徙尋崖澳  
君行欲何往錢塘渡不得對之浩歎息  
欲語征夫促前行更有十里舟將舍  
陸馳書謀故人杜

無端客路仍重九有恨兵戈尙萬千望裏烽煙邊海淚  
病中歲月異鄉緣露霜漸降頻驚曉風雨能晴亦感天  
斜日素衣還掩泣傍村黃菊若爲妍

是日  
霜降

### 義亭

四面山光似畫屏石橋遠近帶長亭菊花亂綻秋光白  
楊柳深涵水意青僕典衣裝心對苦客詢兵事涕俱零  
不知又過重陽節滿目村人有醉醒

### 宿金華夢芭川

阻兵兼凍餓童僕對淒涼宛到安民里爲炊脫粟糧壓  
衾驚見月尋夢始知牀山石如堪叱歸應跨五羊

蘭谿

愁絕蘭谿縣新寒更苦飢  
秋城淒鼓角畫舫暗旌旗  
逆旅風俱慘謫言日易滋  
不知賢守宰何以答清時

至壽昌東邑令

鱗角前時喜汝才十年重見事堪哀  
不因江海遭烽燧安得溪山到酒杯  
身似杜陵同谷竄夢依魏闕朔雲迴  
悲歌對舞青萍劒欲斬鯨鯢轉自猜

麻糲未敢遽瞻天營葬方難慰九泉  
江左夷吾安石少國中顏子奉高先  
白慙老驥悲鹽樞誰悵哀鴻集野田  
百里論才原不易豈徒王宰詒當年

葉村

壽昌年少宰而翁吾故人薄有酒食意已無恭敬交投

書了不答塗窮欲何云故鄉有黃叟

字柳村  
盧田人

中夜叩其

門貨錢餘一萬晨發至茲村主人年六十無妻與子孫

對之內閔惻愧彼陳壺殮晚涼見微月澗水何淒喧遠

念江海上竄徙飢寒民烏鵲東南飛繞樹呼其羣蕭條

風雨至曠野仍雷奔輿夫臥歎詫茲聲安得聞我衰昧

天道但憂去路貧終宵數起坐仰視茅檐昏幸此破屋

在轉慨城郭焚冉冉七尺軀百憂萃一身始知太上貴

忘情以葆真歌以豁幽悶朝陽散浮雲

九月十六日衢州謁

先聖家廟拜瞻

遺象恭紀十八韻

五三風旣遠道德幾無存天哀萬世愚篤生

先覺尊小子謁祠下拜跼心憂煩傳聞北宋季移諸闕  
里門追摹出端木氣象誰能言感念喪亂日萬族遭艱  
屯禮樂付灰燼衣冠成鉗髡大運往必復盛衰相爲根  
自從南渡來更歷兵戈繁恭惟

至人意應閔生民冤教由帝王立化以臣鄰宣履霜卽  
堅冰僉壬禍所原悲哉虞廷戒明良迹可論諒非賢聖

徒難豁羣陰昏蒼山帶古郡喬木迎朝曦高寒秋宇霽  
北望懷

宸垣吾

皇溥樂育設學義久敦何以報

君

師旦夕康黎元

招賢驛

朝食出衢州日斜至招賢傍溪十數家冷落餘炊煙老  
翁出迓客詢我來兵閒自言此荒戍亦有兵五人主人  
乃伍長去年曾從軍七月赴定海九月獨來還借問安

得歸私錢入長官今年八月節文書點赴屯九月八日  
返云需軍裝艱次日日重九賽神羅雞豚里社共作劇  
驚傳失海門旦隨營將去枉費前時錢昨日十六日聞  
上衢州船此行曹娥江焉知亡與存妻子強付託欲辭  
開口難始知太平日能使千家安旅客聞此言各各起  
長歎當門一樹橘食者自知酸余意復何道月明照前  
灘

衢州陸行至常山

廿三年過茲三度何止身悲失意行

己卯自溫州歸丙申自都門歸過此

皆陸行

幾處雁鴻殘照斷數家橘柚晚煙成秋風滿地仍



爲客戍火連宵正苦兵多難怕逢搖落儘苦思丹訣學  
長生

宿草坪

十五年來月

辛亥秋  
嘗宿此

依然照草坪關山頻失路江海正

遠營動隱秋星氣風兼塞馬聲夜長瞻

北關未敢請長纓

廣信府

小舟玉山來道逢兵船去晚泊信州城兵回復相遇傳  
言夷已和浙江今撤戍罷軍歸其伍喧騰竟達曙不知  
傳將軍鉦鼓紛無數市塵滅燈火牆頭或暗覷夜中鞭

林聲呼號久誰訴聽之使心惻浩歎橫江露吾聞疲楚  
猶奔命歲幾度彼出我乃歸狡寇如脫兔自非奮天討  
何以肅王怒咄哉幕府帥未許輕借箸少微隱南斗轉  
蓬辭秋樹一身苦飢寒萬族安得顧舵樓聽荒雞揚帆  
入渚霧

哭僕

貴溪楊家渡午漲飛帆晴悲哉我健僕失足隕其生十  
日尸不獲祭禱徒紛營金盡速我去欲發哀難平哀汝  
從人越崎嶇邁阻兵宵探會稽壘曉走剡曲城山重煙  
雨暗白晝烏猿鳴悽然默自傷凍餒還交并宛轉顧二

僮強笑師忘情其時困且迫自計艱歸程互脫臂上衣

乃賦蘆中行愁霖閱信次重九至義亭是日各登高游

子廢持觥一飯出質劑再宿同飄零自嵯嶺至壽昌七日主僕皆典衣以

食而九日在義亭二僕見余無衣黯黯金華道汝去吾

過征蕭蕭玉山風汝返吾懽迎至壽昌從鄉人黃翁似得錢乃遣僕回至金華

蘭溪永昌取回質衣而方期苟富貴有日勞汝誠烏虜

竟至此使我涕泗橫我本力疾軀鼓舵畏長鯨深憐芒

屨破累月披榛荆遲回始放舟告戒無時停何圖瞬息

閒血肉饒蛟爭何以報汝家何以慰汝靈癡立對逝水

悵望思殘形人生不得意變慘嗟誰令前塗載馳驅一

僕瘦伶俜夢或見汝影坐謾喚汝名而汝豈有知暴骨  
泥沙輕天高浩歎息萬族歸沈冥回首送落暉霜笳咽  
寒汀

望象山懷陸文安公

朱陸如游夏殊塗亦共歸陰崖歧向背寒日耿光輝山  
靜留遺宅時艱欲拂衣閑雲挂洲淚夏文愍故居與山相近未覺  
著書非

官橋

官橋風景似楊林一憶楊林傷我心十載故人半零落  
再難谷口醉花陰松谷楊林米氏別業今半毀矣

宿金溪

又抱荒年感更深  
獨坐悲山重  
寒氣聚天黯  
夜光垂  
何盜非無術  
休兵儻有期  
殷勤望良宰  
撫字此偏陲

吾年

吾年四十三  
憂患百何堪  
未仕強先減  
無聞畏久慙  
艱難謀食意  
慷慨治兵談  
付與新髭鬢  
星星雪欲參

到家

奔走孤營葬  
栖皇兩避兵  
登堂惟慟哭  
無復喚兒聲  
多難懷幽憤  
長貧愧幸生  
未成韓母冢  
敢請漢臣纓

近聞

近聞萬里戍邊關，卻爲長河更遣還。  
骨肉駢栖江渚上，音書阻絕海雲間。  
千秋東澈原非黨，一代南雷未可攀。  
回首曹娥歸櫬近，祇應腸斷逐臣顏。

雨夜口號

時在南豐寓廬

臥病經旬久無眠，暗自傷寒宵燈影細深。  
院雨聲長百計艱，謀食孤懷冷去鄉。  
著書猶未就，莫遣似鄱陽。  
馬季興以餓死

出門

十一月十六日南豐至建昌

朔風滿天地，寒日動江山。  
落葉名心盡，孤雲病態閒。  
出門仍乞食，引鏡欲推顏。  
自古傷遲暮，誰能竟掩關。

宿東館

去歲十二月廿四夜宿此屬臨川

客行如旅燕常傍故巢棲月皎天光定山平夜氣低  
荒年飢驛卒野戍凍災黎敢歎頻飄泊東南半鼓聲

黃昏渡

黃昏渡口似黃昏雲黯天低晝掩門猶有客舟天際去  
數鴉帆上點風痕

宿溫家圳

澄江多秀色晚照落霞成萬馬風聲驟孤鴉水氣明  
病增懷舊感寒慘去鄉情廿載消塗路自戊寅至今水陸道此屢矣  
村怨短檠

至南昌潤臣孝廉以九日玉山道中見懷詩枉示

次韻卻酬

許身愚豈能方杜乞食飢真欲類陶歲暮江鄉逢故舊  
天涯烽火話英豪國威中外何當損民力東南亦已勞  
惆悵相思懷日暮飄零正怨海氛高

又次再寄一首韻

豐城雙劍氣照眼各爭雄政肅三邊日

謂令兄崑臣諫察前任雁平極

著政

詩鳴一代風清時猶戰壘倦客自飄蓬願化延津

浪腥臊洗海東

登滕王閣



依然高閣俯寒流歲晚空增望遠憂百越烽煙橫海合  
九江波浪極天浮漫誇詞賦曾驚座愁見災傷對繫舟  
冰雪西山無恙在病多那得此歸休  
吳楚災黎至者數萬人當事於閣下具舟糧散遣之

### 游百花洲湖上諸寺

城闕微波似濟南水光蕭瑟漾精藍孤鴉著樹留寒影  
細雨浮空散遠嵐榻廢尙憐徐孺宅池荒誰駐灌嬰驂  
鑑湖回首淒笳鼓往日烏篷未忍譚  
時紹興寇警甚亟烏篷龍門皆紹興名船

過廉峯侍御壺園次君少峯

志恭

留飲慨然口號

時長君孟卿志導在楚未歸見其詩甚喜他日幸

并和焉

岷上區塵憶子雲再窺東閣感郎君江山入畫非陳迹

樹石生寒又夕曛下土空餘知己淚高才能述過庭聞

尊前莫話錢唐節侍御嘗典試浙江甌越於今半海氛

留別潤臣

天寒臘近吾安適興疾飢驅況憂國意外何期快盍簪

尊前且共論鳴鏑自從京洛判離亭似趁炎荒觀戰壁

廈門棄地豈孤懸甌海望風竟三北君時歸舟日重九

聞警書空恨千百念我飄蓬足自悲君九日見懷詩有云幾日辭江渚於

今定

轉蓬安知失路遭兵迫漫言少小原好武轉向烽塵頻

乞食故鄉可閔難借箸良友堪依恐投壁

夏間姚三丈招渡海余畏

風濤竟不能往

遂令此際西山雲猶愴當時四明色造物於人

那有心書生報主疑無日丐貸徒慙類子公病貧屢遣

歸王吉固應謀身少長策未免觀世餘太息專征久命

漢金吾獻捷儻俘唐鐵勒霜花慘慘劒下士簫鼓喧喧

帳中客江淮河漢欲橫流吳楚宋衛幾安宅傲裘風雪

返柴門蒿目雁鴻徧梁澤君憐戰困久惆悵我去君留

定悽惻見面聊當約後期回頭總覺傷陳迹川長道阻

書莫寄歲晏年荒夢相憶讀騷漫歎屈靈均顛顛行吟

有今昔

十二月十三日發南昌

去年此際下章門今日依然望故園病且莫侵貧好耐  
歸無可隱出難言鄒枚未覺游梁貴廉蘭何曾用趙尊  
蕭瑟歸塗休悵望歲寒萬木露孤根去歲此日山南豐之南昌  
十五夜撫州道上野宿口號

一年月祇今宵滿四海悲從獨望來黯黯塞鴻難北嚮  
滔滔江水不東迴天心豈爲留長劒人事何當付濁醅  
永夜荒村誰醉夢異鄉寒火有深哀

東館

皓月仍前度孤燈獨此心山明成雪意風遠散空音久  
病如僧定多愁覺夜深尙餘三宿戀霜露警重衾

廿八日過百丈嶺卻寄厚坤兄

兩年客南豐故人多宦游出入惟恃君使我忘百憂歲  
華倏已晏田里宜歸休雖云旬日別何止如三秋百里  
隔峻嶺千山盤蚴蟉負擔躋險艱行者各有謀吾豈矜  
作達四體未敢偷困乏或由天俯仰無滋尤雲中回首  
處下見寒江流逝水送馳暉今古何悠悠相期對春酌  
世路恬阻修飲醕見公瑾非君誰與儔